

**Danskit Kalaallit Nunaanni mittarfiit pillugit suliniummut tunniusimanissaat
aamma Kalaallit Nunaat Danmarkilu inuussutissarsiornermi suleqatigiinnerunissaat
pillugit Naalakkersuisut danskillu naalakkersuisuisa 10. september 2018-
imi isumaqatigiissutaannut tapiliussatut isumaqatigiissusiaq**

Nuummi Ilulissanilu mittarfiliornissamut kiisalu Danmarkip Kalaallillu Nunaata inuussutissarsiornermi suleqatigiinnerisa pitsanngorsaaffigineqarnissaannut danskit peqataanissaat pillugit danskit naalakkersuisui Naalakkersuisullu ulloq 10. september 2018 Nuummi isumaqatigiissuteqarput.

Kalaallit Nunaanni ineriartortitsinissamik nutaanillu isertitaqarnissamik pisariaqartitsineq tunngavigalugu isumaqatigiissuteqartoqarpoq. Aningaasaliissuteqartoqassaaq Kalaallit Nunaanni piffissaq ungasinnerusoq eqqarsaatigalugu ajunngitsumik aningaasatigut ingerlalluortoqarnissaa qulakkeerniarlugu. Anguniagaavoq pitsaasumik inuussutissarsiuteqarneq aamma ilinniagaqarnissamut suliffeqarnissamllu periarfissagissaarnissaq tunngavigalugit Kalaallit Nunaanni aningaasaqarnikkut imminut napatinnerulernissaq.

Danskit naalakkersuisuisa Naalakkersuisullu sunniuteqarluatumik ullutsinnullu naapertuuttumik attaveqaatinut sunniuteqarluartunut ullutsinnullu naapertuuttunut aningaasaliissuteqarneq Kalaallit Nunaanni ineriartortitsinissamut pingaaruteqartutut isigivaat.

Taamatut eqqarsaatigalugu danskit naalakkersuisuisa Naalakkersuisullu qilanaaraat Kalaallit Nunaata Danmarkillu inuussutissarsiornermi nutaamik suleqatigiinnerunissaannut annaaneqaratarsinnaasunik aningaasaliissuteqarnissa suliniutinut nutaanut aallartinneqarnissamut piareeqqasunut tunngavissiiinnaanissaat.

Kalaallit danskillu naalakkersuisuisa 10. september 2018-imi isumaqatigiissuteqareerlutik isumaqatigiissutip piviusunngortinnissaa sulissutigaat.

Danskit naalakkersuisuisa Naalakkersuisullu naammagisimaarlugu takusinnaavaat suliap tamatuma naammassineqangajalernera aamma isumaqatigiissummi tunngaviit siunertallu naapertorlugit isumaqatigiissutip atuutsinneqalernissaanut suleqatigiittoqarnera.

- Inatsisartut Kalaallit Nunaanni mittarfinnik nutaanik sanaartornissaq il.il. inatsimmik atuutsitsilersitsinikuupput, inatsit Nuummi Ilulissanilu mittarfinnik nutaanik sanaartornissamut ingerlatsinissamullu Namminersorlutik Oqartussat naalagaaffiullu piginneqatigiinnissaannut suleqatigiinnissaannullu tunngaviusaaq.

Mittarfiit nutaat pillugit Inatsisartut inatsisaata ilaatigut imaraa Kalaallit Airports International A/S-imi (KAIR International A/S) danskit naalagaaffiata 700 mio. kr.-nik nalilimmik piginneqataassutissanik pisiaqarnissaanut Naalakkersuisut piginnaatitsinissaat, KAIR International A/S Nuummi Ilulissanilu nunat tamalaat mittarfissaannik sanaartornermi ingerlatsinermilu Kalaallit Airports A/S-imut immikkoortortaqarfiusaaq kiisalu piginneqatigiiffimmi pineqartumi piginneqataanissamut piginnaatitaaffeqarneq pillugu piginnittussanut isumaqatigiissusiussalluni.

- Naalagaaffiup KAIR International A/S-imi piginneqataassutaa pillugu isumaqatigiissutip imassai danskit naalakkersuisuisa Naalakkersuisullu isumaqatiginninnitigtalugit naammassisimavaat. Isumaqatigiissutigineqarput ingerlatseqatigiiffip nutaap ileqqoreqqusassai, ataatsimut piginneqatigiissutit aqunneqarnissaannik piginnittunut isumaqatigiissut kiisalu allagaatit tunngaviusut.

Taamatuttaaq Kalaallit Airports A/S-ip naalagaaffiullu isumaqatigiissutigisimavaat naalagaaffiup taarsigassarsisitseqqissinnaanera aamma KAIR International A/S-ip avataanit taarsigassarsisitsisuanut naalagaaffiup qularnaveeqqusiissutissai.

- Aningaasaliissutissat piviusunngortinnissaat pillugit isumaqatigiissutininik atuutsitsilernissamut aamma Greenland Venturep Ineriartortitsinermullu Aningaasaateqarfiup inuussutissarsiornermut aningaasaateqarfissaannik katillugit 220 mio. kr.-nik nalilinnik pilersitsinissamut danskit naalakkersuisui Naalakkersuisullu piareersimapput.

Danskit naalakkersuisuinut tunngatillugu mittarfiliornissaq inuussutissarsiornikkullu suleqatigiinnerup pitsaanerulersinnissaa pillugit danskit naalakkersuisuisa Naalakkersuisullu isumaqatigiissutaat pineqartoq tunngaveqarpoq mittarfiliornissamut danskit peqataanissaannik danskit naalakkersuisuisa Folketingemi partiinik tamanik 11. december 2018-imi isumaqatigiissuteqarnerannik. Mittarfiliornernut inuussutissarsiornikkullu suleqatigiinnermut naalagaaffiup peqataanissaa Folketingip Aningaasaqarnermut Ataatsimiititaliaanut inaarutaasumik akuerisassanngorlugu saqqummiunneqassaaq.

Naalakkersuisunut tunngatillugu mittarfiliornissamik danskit naalakkersuisuisa Naalakkersuisullu isumaqatigiissutaat pineqartoq tunngaveqarpoq Kalaallit Nunaanni nutaanik mittarfiliornissamut il.il. inatsimmik Inatsisartut akuersaernerannik. Naalakkersuisut naatsorsuutigaat isumaqatigiissutit ilaannik pingaaruteqarnerusunik Inatsisartut Aningaasaqarnermut Akileraartarnermullu Ataatsimiititaliaat peqatigalugu piginnittunut isumaqatigiissut atuutsinneqalinnginneranni eqqartorneqassasoq. Inuussutissarsiornikkut suleqatigiinnerup pitsaanerulersinneqarnissaanut tunngatillugu isumaqatigiissut pineqartoq Inatsisartut aningaasanut inatsimmut oqaasertaliussaannik tunngaveqarpoq, tassa isumaqatigiissutit aningaasaliissuteqarnikkut kingunerisinnaasai Inatsisartut Aningaasaqarnermut Akileraartarnermullu Ataatsimiititaliaanut akuerisassanngorlugu saqqummiunneqartussaammat.

Danskit naalakkersuisuisa Naalakkersuisullu isumaqatigiillutik oqaatigaat inuussutissarsiornikkut suleqatigiinnissaq aamma KAIR International A/S-imi peqatigiinnissaq susassaqtutut peqataasut akornanni tatigeqatigiinnermut pisussaaffeqarlunilu suleqatigiinnermut takussutissaassasoq, tassa Namminersorlutik Oqartussat naalagaaffiullu akornanni piginnaatitaaffinnik agguaanissaq atuuttoq ataqqillugu.

Pingaartumik mittarfiliornissanut tunngatillugu ataatsimut isumaqarfigineqarpoq Kalaallit Airports A/S-ip, danskit naalakkersuisuisa Naalakkersuisullu piginnittusanut isumaqatigiissutaasa oqimaqatigiissillugit naligiissinneqarnissaat. Suliassaqarfinni ingerlatseqatigiiffimmi susassaqtut aningaasaliissutaannik illersuinissamut pingaaruteqarluinnartuni susassaqtut pisinnaatitaaffii pisussaaffiilu pillugit susassaqtut isumaqatigiissuteqarput. Peqatigitillugu susassaqtut KAIR International A/S-imi piginnittuunerannut tunngatillugu naligiimmik pineqarnissaanut isumaqatigiissummi tunngaviusoq naapertuuppoq.

Danskit naalakkersuisuisa Naalakkersuisullu ilimagivaat piffissap ingerlanerani ingerlatseqatigiiffiup ineriartornissaa susassaqtullu suleqatigiinnerat pillugu apeqqutinik pingaarutilinnik naalakkersuinikkullu pingaarutilinnik saqqummertoqarumaartoq, tassa isumaqatigiissummut tunngaviusumi eqqarsaatigineqarsimannigitsunik. Taamaammat susassaqtut piginnittunut isumaqatigiissummini kissaatigaat avatangiisini piumasaqaatinilu KAIR International A/S-ip siunissami atuuffissaani ineriartorfissaanilu ineriartornermut atatillugu inissaqtitsisoqarnissaa. Susassaqtut isumaqatigiipput ingerlatseqatigiiffiup ineriartornissaa suleqatigiinnissarluk pillugit apeqqutit pingaarutillit naalakkersuinikkullu pingaarutillit Naalakkersuisut aamma finansministerip statsministerilluunniit qulaajaaffigissagaat, tassa apeqqutit qanoq ittuuneri apeqqutaatillugit.

Taamatut attaveqatigiinnermi kalaallit tungaannit kissaatigineqarpat KAIR International A/S-imi naalagaaffiup piginneqataassutaannik Namminersorlutik Oqartussat pissarsersuttut danskit naalakkersuisui piareersimapput tamanna pillugu isumaqatiginninnissamut. Tassunga atatillugu susassaqtut isumaqatigiillutik oqaatigaat naalagaaffiup

KAIR International A/S-imi piginneqataanera tunngavissiissasoq naalagaaffiup ingerlatseqatigiiffimmut taarsigassarsitseqqinnissaanut. Isumaqatiginninniarnermi aalajangersimasumik angusaqarnissamut susassaqtut pisussaaffeqanngillat.

København, 27. februar 2019

Lars Løkke Rasmussen
Statsminister

Kim Kielsen
Naalakkersuisut Siulittaasuat